



# Մ ՈՒՐՐԵ Յ ԱԿՈՐԲ ՄՈՒԱԶՆՈՐԴԱՆԻՍՏ ՄԱՅՐ Մ ԿԵՂԵՅԻ

## ԲԱՐԵԿԵՆՈՒԱՆ Ս. ԱՍՏՈՒԱԾԱԾԱՐ ՎԵՐԱՓՈՒՄԱՆ 6 ՕԳՈՍՏՈՍ 2023

Կիրակնօրեայ Ընթերցումներ	Էջ 1
Ծանուցում	Էջ 2

### ԸՆԹԵՐՑՈՒՄ ԵՍԱՅԻ ՄԱՐԳԱՐԷԻ ԳՐՔԷՆ (7.1-9)

**Հ**րէաստանի Աքազ թագաւորին օրով, որ Յովաթամի որդին էր եւ Ոզիայի թոռը, Ասորիքի Ռասին թագաւորը եւ Իսրայէլի Փակէէ թագաւորը, որ Ռոմելի որդին էր, Երուսաղէմի դէմ պատերազմելու պատրաստուեցան. բայց չկրցան յարձակման անցնիլ: Երբ Աքազ եւ ամբողջ Հրէաստան լուր առին թէ Ասորիքը Եփրեմի հետ դաշնակցած է, թագաւոր եւ ժողովուրդ իրենց սարսափէն սկսան դողալ, այնպէս ինչպէս անտառին ծառերը կը դողան հովին դիմաց:

Այն ատեն Տէրը Եսայիին ըսաւ. «Ել, հետդ առ քու տղադ որ Շէար-Եաշուբ կը կոչուի, եւ գնա Աքազի քով: Իրեն պիտի հանդիպիս թափիչին արտը տանող ճամբուն վրայ, ջրանցքի վերին աւազանին քով: Այսպէս ըսէ իրեն.-

“Ձգո՛յ՛ եւ հանդարտ եղի՛ր, տակնուվրայ մի՛ ըլլար ու մի՛ վախնար Ասորիքի եւ Իսրայէլի թագաւորներէն որոնք ծխացող երկու խանձող փայտերու պէս երբ գան իրենց գայրոյթը քու վրադ թափելու՝ ես քեզ հարուածէն պիտի փրկեմ: Ասորիքի եւ Իսրայէլի թագաւորները քեզի համար չար ծրագիր մը յղացան եւ ըսին. ‘Ելլենք Հրէաստան երթանք, մեր կողմը սիրաչափէնք հրէաստանցիները կամ բռնադատենք զանոնք եւ անոնց վրայ թագաւոր կարգենք Տաբելի որդին’: Բայց

... ես քեզ հարուածէն պիտի փրկեմ:

այսպէս կ’ըսէ Երկնաւոր Զօրքերու Տէրը.- Այս ծրագիրը պիտի չիրականանայ բնաւ: Որովհետեւ ինչպէս Ասորիքի մայրաքաղաքը Դամասկոսն է եւ Դամասկոսը կառավարողը Ռասինի տունը, այնպէս ալ Իսրայէլի մայրաքաղաքը Սամարիան է եւ Սամարիան կառավարողը՝ Ռոմելի որդիին տունը. բայց ահա վաթսուհինգ տարիէն Իսրայէլ պիտի կորսնցնէ իր թագաւորութիւնը: Դուք ալ, նմանապէս, եթէ Տիրոջ չվստահիք՝ դուք ալ պիտի չկարենաք գոյատեւել”»:

... եթէ Տիրոջ չվստահիք՝ դուք ալ պիտի չկարենաք գոյատեւել

### ՊՕՂՈՍ ԱՌԱՔԵԱԼԻ ԿՈՐՆԹԱՑԻՆԵՐՈՒՆԳ ԳՐԱԾ ԱՌԱՋԻՆ ՆԱՄԱԿԷՆ (13.11-14.5)

**Ե**րբ երեխայ էի՝ երեխայի պէս կը խօսէի, երեխայի պէս կը խորհէի եւ երեխայի պէս կը տրամաբանէի. իսկ երբ տղամարդ դարձայ, բոլոր երեխայական բաները մէկ կողմ դրի: Նոյնպէս ալ մենք այժմ զԱստուած կը տեսնենք աղօտ կերպով, կարծես հայելիի մը մէջէն. բայց երբ ամէն բանի կատարումը գայ՝ գայն պիտի տեսնենք դէմ առ դէմ: Այժմ միայն մասնակիօրէն կը ճանչնամ զԱստուած, բայց այն ատեն պիտի ճանչնամ ամբողջապէս, ճիշդ ինչպէս ի՛նք զիս կը ճանչնայ:

... այն ատեն պիտի ճանչնամ ամբողջապէս, ճիշդ ինչպէս ի՛նք զիս կը ճանչնայ:

Արդ, ուրեմն, միակ մնայուն բաներն են՝ հաւատքը, յոյսը եւ սէրը. իսկ այս երեքէն մեծագոյնը սէրն է:

Ուրեմն սիրոյ հետամուտ եղէք առաւելաբար: Միաժամանակ հոգեւոր պարգեւնե-

... հոգեւոր  
պարգեւներուն  
փափաքող  
եղէք,  
մանաւանդ  
պատգամա-  
խօսութեան...

ըսեն փափաքող եղէք, մանաւանդ պատգամա-խօսութեան, այսինքն՝ մարգարէութիւն ընելու: Որովհետեւ, օրինակ, անծանօթ լեզուներով խօսողը մարդոց չէ՛ որ կը խօսի, այլ Աստուծոյ որովհետեւ ոչ ոք զինք կը հասկնայ, թէպէտեւ անիկա Հոգիին գորութեամբ խորհուրդներ կը պատմէ: Մինչդեռ պատգամախօսութիւն ընողը մարդոց կը խօսի՝ անոնց հաւատքը ամրապնդելու, զանոնք մխիթարելու եւ քաջալերելու համար: Լեզուներ խօսողը միայն ի՛նք կ'օգտուի, մինչդեռ պատգամախօսութիւն ընողը ամբողջ եկեղեցւոյ շինութիւն կը բերէ: Ես պիտի ուզէի որ բոլորդ ալ լեզուներ խօսիք, բայց կը նախընտրեմ որ պատգամախօսութիւն ընէք. որովհետեւ պատգամախօսութիւն ընողը աւելի՛ օգտակար կ'ըլլայ քան լեզուներով խօսողը, բացի այն պարագայէն երբ ներկաներուն մէջ գտնուի մէկը, որ անծանօթ լեզուով խօսուածը թարգմանէ, եւ ամբողջ եկեղեցին օգտուի:

**ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ  
ԸՍՏ ՄԱՐԿՈՍԻ  
(2.1-12)**

**Ք**անի մը օրեր ետք Յիսուս վերադարձաւ Կափառնաում: Անմիջապէս որ լուր տարածուեցաւ թէ տունին մէջ կը գտնուի, շատեր հաւաքուեցան հոն, այնքան որ դրան առջեւ իսկ տեղ չէր մնացեր: Եւ Յիսուս Աստուծոյ խօսքը կը քարոզէր անոնց:  
Այդ միջոցին Յիսուսի բերին անդամա-լոյծ մը, որ չորս հոգիներ շալկած էին: Երբ ամբոխին պատճառով չկրցան զայն Յիսուսի մօտ բերել, քակեցին տունին տանիքը եւ առաստաղը բանալով՝ անդամալոյծը մահիճով վար իջեցուցին: Յիսուս անոնց հաւատքը տեսնելով ըսաւ անդամալոյծին. «Որդեակ, մեղքերդ ներուած ըլլան քեզի»:  
Օրէնքի ուսուցիչներէն ոմանք որոնք հոն նստած էին, սկսան մտովի քննադատել զայն. «Ինչպէ՞ս կը համարձակի ասանկ բան ըսել. ըրածը հայհոյութիւն է: Աստուծմէ՛ զատ ո՞վ կրնայ մեղքերը ներել»: Յիսուս վայրկեանին

գիտցաւ անոնց մտածումը եւ ըսաւ. «Ինչո՞ւ այդպէս կը մտածէք: Ո՞ր մէկը աւելի դիւրին է. անդամալոյծին “մեղքերդ ներուած են քեզի” ըսե՞լը, թէ “Ե՛լ, ա՛ն մահիճդ եւ տունդ գնա” ըսելը: Բայց որպէսզի գիտնաք թէ մարդու Որդին երկրի վրայ իշխանութիւն ունի մեղքերը ներելու, ահա նաեւ կը բժշկեմ զայն»: Ու դառնալով անդամալոյծին, ըսաւ. «Քեզի կ'ըսեմ. Ե՛լ, ա՛ն մահիճդ եւ տունդ գնա»: Անդամալոյծը անմիջապէս բոլորին առջեւ ոտքի ելաւ, վերցուց իր մահիճը եւ դուրս ելաւ: Բոլորն ալ զարմացան. կը փառաւորէին զԱստուած եւ կ'ըսէին. «Այսպիսի բան բնաւ տեսած չէինք»:

**ԱՅԾԵԼԵԾԷ՛Ք  
ԵԿԵՂԵՇՈՅ  
ՌԻՄԱՏԵՏՐՈՒ ԷՉՈ  
ԵՒ  
ՁԵՐ ՀԱԻԱՆՈՒԹԻՒՆ  
յԱՅՏԵՆԾԷՔ (like).**

[www.facebook.com/  
SourpHagopChurch-  
Montreal](http://www.facebook.com/SourpHagopChurch-Montreal)

**ԱՅԾԵԼԵԾԷ՛Ք ԱՁԵԻ  
Ս. ՅԱԿՈՔ  
ԱՌԱՋՆՈՐՊԱՆԻՍ  
ՄԱՅՐ ԵԿԵՂԵՇՈՅ  
ԿԱՅՔԷՉՈ՛  
[www.sourphagop.net](http://www.sourphagop.net)**